

RUDY STONE A PASA DEN UN AVENTURA NA PANAMA

Recientemente tabata na Aruba e famoso cantante local Rudy "Stone" Steenhuizen. Rudy tabata cu vacacion y a habri aña nobo riba su isla stima Aruba. Rudy ta jiu di e conocida maestra di piano y canto, sra. Rodha frigerio. Cu apenas diez aña di edad Rudy a sali ganador cu e cancion "Canzome Perté" den e Festival Infantil Oro Aruba y despues Antiyas tambe. Na aña '73 na edad relativamente hoben di 16 aña, Rudy a bolbe ripiti como ganador Voz Oro Aruba y Antiyas cu e cancion "Flowers of my'n dreams", den e grandinan. E festival nan aki tabata ser organiza pa Robby Schouten. Na aña '75 hunto cu Eduardo Maya, Rudy a graba na Colombia e cancion "No te olvidare", cual cancion a resulta den un tremendo hit den e tempo ey. Na '76 e la bay studia na merca pa marketing, y a termina na aña '81. Den su tempo liber e tabata forma parti pa e banda "Porteraete". Na aña '82 e la haña un bon oferta pa bay traha na Panama, cual pais e la permanece pa ocho aña. Na Panama Rudy den su tempo liber parti anochi, tabata traha den

studionan di grabacion pa television. E tabata graba "jingle" pa propagandan comercial. E "jingle" mas exitoso y popular tabata esun "Bahia Sun" pa e producto "Wine Cooler". E jingle aki tabata asina gusta cu te asta riba caya e hendenan tabata canté. Aparte di ta graba jingle comercial, tambe e tabata graba videoclips. Varios di e videoclipsnan e.o. "Furia, Tu y Yo, Usa y Abusa y Amigo" tabata videoclipsnan hopi gusta na Panama. Nan a bay competi cu e videoclip "Amigo" den un concurso di e mihor videoclipsnan, y a perde apesar cu nan tabata e gran favoritonan. Despues cu e juradonan a anuncia e ganador, mayoria hende den e sala a lanta y cuminza grita pa husticia, pasobra segun e publico ta e videoclip "Amigo" mester tabata e ganador. Na final di aña '90 Rudy tabata preparando pa bay residencia na Hulanda caminda e ta actualmente, cu net dos siman prome e Mericanonan a invadi Panama enbusca di General Manuel Noriega. No tabata posibel pa biaha comoquiera cu aeropuerto tabata cera, y mester a warda casi




EDDY SAMSON, RUDY STONE, IVAN JANSEN.

tres siman despues cu e trupanan Mericano a bay cu Noriega. Esaki tabata un aventura hopi grandi pa su persona. E mester a keda tres siman den cas y para den liña di casi mil hende pa compra cuminda. E tabata biba cerca di e vaticano caminda Manuel Noriega a bay sconde, y tabata mira helicoptero nan y trupa nan mericano cu tankinan di guerra constantemente. Despues cu tur cos a calma y normalisa e la tuma e prome vuelo cu KLM destino pa Aruba, pa un vacacion cortico, y pa despues continua pa Hulanda. Na Hulanda caminda e ta actualmente, e ta traha cu City Bank pa e producto Diners Club. Aunke cu su trabao no ta permitiye pa e ta den farandula, tog den su oranan liber e ta formando parti pa un banda consisti di zeis integrante hulandes. Nan ta toca mayoria parti den nightclubnan. Locual si cu Rudy Stone a keda ta haci, ta skirbi cancionnan. Actualmente e ta skirbiendo hopi cancionnan tanto na spanjo y papiamento. E ta deliberando via Hildward Croes pa Juan Luis Guerra por lansa algun di su cancionnan riba mercado. Tambe e ta tratando pa algun di nos musiconan local por

usa su cancionnan na papiamento e.o. Edwin Abath. E tin un deseo pa su soño ser realisa, pa e aña aki mes e por ta hunto cu e gran musiconan local, Eddy Samsom y Ivan Jansen pa un presentacion durante Jazz & Latin Festi-

val. Rudy a declara cu su querida mama Rhoda Frigerio ta bon di salud despues di hopi operacionan, y a manda un cordial saludo pa tur su conocirnan, y alavez desea henter pueblo di Aruba un feliz aña nobo.



Rudy Stone hunto cu su jiu Stefan.

Pa cualquier ocasion
ABSOLUT VODKA
ta e bebida preferi

Agente exclusivo
LICORES ARUBA

MUSICA LATINA
tur Diasabra
10'or pa 1'or
cu hopi premios cu
animacion total di
Junior Cecil na
The Diamond Channel
Tel: 47752